


共四集



增補內經拾遺

內經拾遺

卷中

內經拾遺序

內經拾遺方論者宋駱先生龍
吉之遺書也昔者駱先生學古
之道深究於天人陰陽五事之
理洞見五臟癥結肉白骨而生
死人功補造化名于當時所著

拾遺書六十二條皆可傳習其
功非淺鮮矣厥後明之肖齋劉
公與明羽朱公好學深思心知
其意搜集內經殫心叅究增續
病症治方共八十二條則二公
之繼志于駱先生者心亦良苦

而林公宗漢其私淑弟子也學
有淵源不忘所自爲之親校其
書述而梓焉夫古之慎斯術也
醫不三世不服其藥蓋謂其有
所受之古先哲人而非費人以
試方者故服其藥而不疑林公

之述拾遺書將以生人也惟其
志于生人是故不秘其術而示
天下以廣之則林公之功亦將
遠矣嘗閱漢書藝文志有黃帝
內經扁鵲內經白氏內經又有
外經旁篇諸書今獨黃帝內經

存焉班固以爲善醫者猶磁石
取鐵以物相使而要其旨於血
脉經絡陰陽表裏以起百病之
本死生之分可謂篤論然又列
經方諸家以爲經方者本草木
之寒溫量疾病之淺深假藥味

之滋因氣感之宜以通閉解結
反之于平則盡之矣夫知方而
不知經則失其理知經而不知
方則失其宜經譬則碁盤黑白
子也方則人之相碁者也善碁
者先後用子勝而不敗則知方

也古方用意不同精微寄焉非
知經者不能究其理宜余閱拾
遺方論眼明心慧發其精微其
諸俞拊倉公之遺意歟因謂林
公是書出所活萬億不足計矣
梓而廣之可也

康熙庚寅夏五月上浣古吳朱
元英師晦甫題



內經拾遺序

醫之有內經猶儒之有六經也昔黃帝與天師岐伯等參酌五運之興衰六氣之勝負七情之順逆三陰三陽之虛實作書八十一篇為醫家源本是故內經者醫學之津梁也顧其蘊精奧確歷經前賢續述亦有未盡闡發者如庶厥之溥厥風流心掣諸症河間魯於宣明論顯其畧而未克引經出症隨症出論隨論出方讀者不無遺憾

宋駱龍吉先生起而銓疏之方因乎疴、舉乎經
臚為六十二條支分派析如觀指上羅紋反掌即現
題曰內經拾遺則里不過半矣而有明淮陰肖齋
劉以脩古崇明字朱公漫採撫強義增以十二條
俾寒暑燥濕補瀉溫涼無疴不悉備無方不考
驗誠濟世之要編也而兄宗澤林君受業于朱同
字先生門授而讀之緣是目明心以不必飲長素
上池水而後洞見癥結也不必歆黃冠橡斗酒

而後大開靈晤也對症引經循方命藥罔不應手
奏效一時名噪白下薦紳大夫爭器重之而大江
南北之內而趨之者又不可勝數矣暇時嘗謂予曰
拾遺一書果屬醫家善本予治病數十年未有出
其理法者予曰瑾瑜之寶當與天下共之君婆心濟
世詎宜自秘林君亦憐之焉惟此書湮沒之是懼爰
嚴其校讐雙鉞梓以廣其傳蓋亦所謂已立之人已
達之人之意也歟予因之有感矣夫匠雖巧不能逃
繩墨治雖工不

能越模範而以醫道精微費人宜慎海內青囊時
後不獲槩見而醫不原經以識病不考方以命藥任
意妄投猶方枘而圓柄烏覩所謂成三折而效一七
哉然則是書一出不惟業醫者堪奉為玉鑑冰壺
而養親攝身君子並當家藏一帙遊覽其中必有以
裒夫寒熱調其攻補抵榮衛于和平不致枉為二豎
所侵六賊所虐也識者其以予言為然乎否

同夏陸鴻芳洲氏題

內經拾遺跋

予弱冠習醫于舅祖朱同羽先生門自誦記藥性難經仲景諸書外旋授讀肖齋劉先生脉學三書暨素靈約元氣論內經拾遺等書時舅祖指拾遺書命之

曰是書昉於宋駱龍吉先生增
補于明劉先生叅訂于先君子
明宇公蓋其言症也原本樞素
發明名號之由其言法也探討
諸家酌定方劑之主間或議論
出自心裁刀圭本乎家秘于理

法莫不允當洵醫道中之黃石
也予奉遺訓持是書及叅會羣
書以濟世大都符其症者靡不
符其法焉夫長沙一書得高陽
之撰次聊攝之傳述而後完帙
于今不墜予淺見寡聞未能窺